

古

謠

諺

古謠諺卷六十七

秀水杜文瀾輯

代宗夢黃衣童子歌

杜陽雜編

卷上

代宗廣德元年吐蕃犯便橋上幸

陝及迴潼關是夜夢黃衣童子歌於帳前曰

云

詰旦上具言其夢侍臣咸稱土德當王胡虜

破滅之兆也

中五之德方戕戕胡呼胡呼可奈何

自注黃衣土之色中五土之數戕戕

者高盛之意也

全唐詩十二

面七胡呼胡呼作胡胡呼

古謠諺

卷六十七

曼陀羅華閣

京師爲常袞元載語

杜陽雜編

卷上

上纂業之始多以庶務託於鈞衡

而元載專政益墮國典若非良金重寶趙趙左
道則不得出入於朝廷及常袞爲相雖賄賂不
行而介僻自專少於分別故升降多失其人由
是京師語曰

常無分別元好錢賢者愚而愚者賢

全唐詩十二
函入無而字

寶厯宮人爲飛鸞輕鳳二女語

杜陽雜編

卷中

寶厯二年瀾東國貢舞女二人一

日飛鸞

全唐詩十一
面十鸞作燕

二日輕鳳修眉夥首蘭氣

融冶上更琢玉芙蓉以爲二女歌舞臺每歌聲

一發如鸞鳳之音百鳥莫不翔集上令內人藏

之金屋寶帳蓋恐風日所侵故也由是宮中語

曰

寶帳香重重一雙紅芙蓉

滄浪洲婦人爲金莖花語

杜陽雜編

卷下

處士元藏幾自言隋大業元年爲

過海使判官遇風浪壞船獨爲破木所載忽達

於洲島間洲人曰此乃滄浪洲去中國已數萬里其洲方千里花木常如二三月更有金莖花其花如蝶每微風至則搖蕩如飛婦人競戴之以爲首飾且有語曰

不戴金莖花不得在僊家

白帖卷一百蓮花部所引莖作蓮在作到全唐詩十二函

八同案此條上文云又有金蓮花洲人研之如泥以間彩繪光彩煥燦與真金無異但不能入火而已白帖蓋因此而誤爲蓮也廣羣芳譜卷五十三引仙史在作到草花譜在作入

時人爲孟召語

獨異志

卷中

後漢明帝楊后花面美色有顛狂病

發則殺人惟內傳孟召爲文后每讀之顛狂輒醒時人語曰

孟召文差顛狂

案漢明帝時有馬后無楊后此條有誤

李尤引諺論驕奢

獨異志

卷下

虞氏梁之富人也起高樓臨大道日

夕歌宴擊博於上博者勝拵口而笑適有二客過樓下飛鷺啣腐鼠墮客客舉面值其笑二客相與謀曰虞氏富樂久矣我不侵犯何爲辱我

乃聚衆滅其家諺曰

驕奢之災禍非一致

柳毅與二龍君贈答歌

異聞錄逸文

據廣記卷四百十九

唐儀鳳中有儒生柳毅

者應舉下第將還湘濱念鄉人有客於涇陽者
遂往告別至六七里鳥起馬驚疾逸道左又六
七里乃止見有婦人牧羊於道畔毅怪視之乃
殊色也凝聽翔立若有所伺毅詰之婦泣而對
曰妾洞庭龍君小女也父母配嫁涇川次子而

夫壻樂逸爲婢僕所惑。日以厭薄。旣而將訴於舅姑。舅姑愛其子。不能禦迨。訴頻切。又得罪舅姑。毀黜。以至此言訖。歔歔流涕。悲不自勝。又曰。聞君將還吳。密邇洞庭。或以尺書寄託侍者。洞庭之陰。有大橘樹焉。鄉人謂之社橘。君當解去。茲帶束以他物。然後叩樹三發。當有應者。穀曰。敬聞命矣。女遂於襦間解書。再拜以進。引別東去。乃訪於洞庭之陰。果有橘社。遂易帶向樹三擊而止。俄有武夫出於波間。揭水指路。引穀以

進毅如其言遂至其宮夫乃止見一人被紫衣執青玉夫躍曰此吾君也毅因取書進之洞庭君覽畢哀咤良久左右皆流涕時有宦人密視君者君以書授之令達宮中須臾宮中皆慟哭君驚謂左右曰疾告宮中無使有聲恐錢塘所知毅曰錢塘何人也曰寡人之愛弟昔爲錢塘長今則致政矣毅曰何故不使知曰以其勇過人耳語未畢而大聲忽發俄有赤龍長千餘尺電目血舌朱鱗火鬣項掣金鎖鎖牽玉柱千雷

萬霆激繞其身霰雪雨雹一時皆下乃臂青天而飛去毅恐蹶仆地君親起持之曰無懼固無害其去則然其來則不然幸爲少盡繾綣因命酌互舉以款人事俄而祥風慶雲融融怡怡幢節玲瓏簫韶以隨紅妝千萬笑語熙熙後有一人自然蛾眉明璫滿身綃縠參差迫而視之乃前寄辭者君笑謂毅曰涇水幽囚人至矣又有一人披紫裳執青玉貌聳神溢立於君左右謂毅曰此錢塘也毅起趨拜之錢塘亦盡禮相接

君曰所殺幾何曰六十萬傷稼乎曰八百里無
情郎安在曰食之矣君慙然曰頑童之爲是心
也誠不可忍然汝亦太草草賴上帝顯聖諒其
至冤不然者吾何辭焉從此已去勿復如是錢
塘復再拜是夕遂宿毅於凝光殿明日又宴毅
於凝碧宮酒酣洞庭君乃擊席而歌曰云錢
塘君再拜而歌曰云錢塘君歌闋洞庭君俱
起奉觴於毅毅踧踖而受爵飲訖復以二觴奉
二君乃歌曰云歌罷皆呼萬歲翌日復歡宴

云

云

錢

宴罷辭別滿宮悽然贈遺珍寶怪不可述毅於
是復循途出江岸見從者十餘人擔囊以隨至
其家而辭去

大天蒼蒼兮大地茫茫人各有志兮何可思量狐神鼠
聖兮薄社依牆雷霆一發兮其孰敢當荷真人兮信義

長

全唐詩十二
函七眞作貞

令骨肉兮還故鄉齊言慚愧兮何時忘

全

唐詩齊作永

洞庭君歌

上天配合兮生死有途此不當婦兮彼不當夫腹心辛

苦兮涇水之隅風霜滿鬢兮雨雪羅襦賴明公兮引素

書全唐詩引令骨肉兮家如初永言珍重兮無時無錢塘

歌君

碧雲悠悠兮涇水東流傷美人兮全唐詩傷下有嗟字雨泣花愁

尺書遠達兮以解君憂哀冤果雪兮還處其休荷和雅

兮感甘羞全唐詩和上有君字山家寂寞兮難久留欲將辭去兮

悲綢繆全唐詩辭作歸柳毅歌

按說郛卷一百十七列異聞實錄按此與廣記所引異聞錄本一書而

廣記無實字當未載此條今據廣記錄之係編纂時刪去

馬自然歌

聞奇錄馬自然貌醜臙鼻禿鬢大口飲酒石餘
醉臥卽以拳入口人有疾病告之折薪草呵而
與食無不差者嘗吟曰云後往梓州上升
昔日曾隨魏伯陽無端醉臥紫金牀東君謂我多情懶
罰向人間作酒狂

京兆府語

聞奇錄逸文據廣記卷一百八十七京兆府時云云兩

縣引馬到府門傳門而報兩尹入廳大尹亦到
廳不得候兩尹坐後出不得候兩縣立後出

不立兩縣令不坐兩少尹

天寶中兩京童謠

廣神異錄天寶中士庶投身於胡庭兩京童謠

曰云

云及尅復諸舊僚朝士繫於三司獄鞫問

罪狀家產罄盡骨肉分散申雪無路卽其兆也
不怕上蘭單唯愁答辨難無錢求案典生死任都官

唐時人爲祕書省太常寺官語

雍洛靈異錄開元中以太常禮儀聲樂之司屬
亦擇才太祝奉禮與祕書省校書郎正字相埒

而校正俸祿微少孤寒英傑者居之或有不辦
匹馬乘驢入省而太祝奉禮每月請明衣絹布
及胙肉俸祿又倍多乃公卿子弟居之衣馬比
校正頗有輕肥時有語曰

正字校書詠詩騎驢奉禮大祝輕裘食肉

古謠諺卷六十七終

古謠諺卷六十八

秀水杜文瀾輯

古丈夫與毛女吟

太平廣記

卷四十
引傳奇

唐大中初有陶太白尹子虛

二老人相契爲友多遊嵩華二峰因攜釀醞陟

芙蓉峰憩於大松林下因傾壺飲忽松下見一

丈夫古服儼雅一女子鬟髻綵衣俱至二公拜

謁忻然還坐古丈夫曰余秦之役夫也始皇帝

因爲徐福所惑搜童男童女千人將之海島余

爲童子乃在其選遂出奇計因脫斯禍歸而易
姓業儒又遭始皇坑殺儒士余又出奇計乃脫
斯苦又改姓氏爲板築夫又遭秦皇築長城余
爲役夫復在其數又出奇計得脫斯難又改姓
氏而業工乃屬秦皇帝崩穿鑿驪山又出奇謀
得脫斯苦凡四設權謀之計俱脫大禍知不遇
世遂逃此山食松脂木實乃得延齡耳此毛女
者乃秦之宮人同爲殉者余乃同與脫驪山之
禍其匿於此飲將盡古丈夫折松枝叩玉壺而

吟曰

云

毛女繼和曰

云

古丈夫曰吾有萬

歲松枝千秋柏子少許汝可各分餌之亦應出
世二公捧授拜荷以酒吞之二仙曰吾當去矣
但覺超然莫知其蹤

餌柏身輕疊嶂間是非無意到塵寰冠裳暫備論浮世

一餉雲遊碧落間

古丈夫吟

誰知古是與今非閒躡青霞遠翠微簫管秦樓應寂寂

絲雲空惹薜蘿衣

毛女吟

秦人竹韶謠

太平廣記

卷一百六十三
引王氏見聞集

竹貂者食竹之鼠也

生於深山溪谷竹林之中無人之境非竹不食
巨如野狸其肉肥脆山民重之每發地取之甚
艱岐梁睚眦之年秦隴之地無遠近巖谷之間
此物爭出投城隍及所在民家或穿墉壞城或
自門闕而入犬食不盡則並入人家房內秦民
之口腹飫焉忽有童謠曰
云智者不能議之
庚午歲大梁同州節度使劉知俊叛梁入秦家
於天水天水破流入蜀居數年僞蜀先主懼爲

子孫之患於是害劉公以厭之明年歲在戊寅
先主不豫合眼劉公在目前蜀人懼之遂粉劉
之骨揚入於蜀江先主尋崩議者方知貂者劉
也戊寅歲揚骨於蜀江之應

貂貂引黑牛天差不自由但看戊寅歲揚在蜀江頭

李勣引諺

太平廣記卷一百六十九貞觀元年李勣爲并
引廣人物志

州都督侍中張文瓘爲參軍事勣嘗歎曰張稚
珪後來管蕭吾不如也待以殊禮勣將入朝文

一
三
瓘因送行二十餘里勸曰諺云

云

稚珪何行

之遠也可以還矣

千里相送歸於一別

全唐詩十二
函入歸作終

時謂常袞鮑防語

太平廣記

卷一百七十八
引傳載故實

常袞爲禮部判雜文

勝後云他日登庸心無不銳通宵絕筆恨卽有
餘所放雜文過者常不百又鮑祭酒防爲禮部
帖經落人亦甚時謂之

常雜鮑帖

蜀人謂長鬚僧語

太平廣記

卷二百六十二
引王氏見聞集

三蜀有長鬚長老自

言是宰相孔謙子莫知其誰何剃髮鬚皓然垂
腹擁百餘衆自江湖入蜀先謁樞密使宋光嗣
因問曰師何不剃鬚答曰落髮除煩惱畱鬚表
丈夫宋大憲曰吾無髭豈是老婆耶遂揖出俟
剃卻髭卽引朝見徒衆旣多旬日盤桓不得已
剃髭而入徒衆恥其失節悉各散亡蜀人謂師

曰

一事南無折卻長鬚

五原沙磧女子吟

太平廣記

卷三百四十
七引傳奇

進士趙合貌溫氣直行

義甚高太和初游五原路經沙磧中宵月色皎

然聞沙中有女子悲吟曰

云

合遂起而訪焉

果有一女子年猶未笄色絕代語合曰某姓李氏居於奉天有姊嫁洛源鎮帥因往省焉道遭兇羌所虜至此搃殺後爲路人掩於沙內經今三載君儻能爲歸骨於奉天城南小李村當有

奉報合許之請視其掩骼處女子感泣告之合
遂收其骨包於橐中挈至奉天訪得小李村而
葬之明日道側合遇昔日之女子來謝

雲鬢消盡轉蓬稀埋骨窮荒無所依

全唐詩十二函七
無作失注云荒一

作鄉牧馬不嘶沙月冷孤魂空逐雁南飛

虎醉俗語

茅亭客語凡虎食狗必醉俗云

云也

狗乃虎之酒

唐齊州病狂人聞夢中少女歌

洞微志顯德中齊州有人病狂云夢中見紅裳

少女引入宮殿中其小姑令歌遂歌曰云一

道士解之云少女心神小姑脾神火毀也醫經

言蘿蔔制麵毒故曰火吾宮此犯大麥毒也卽

以藥兼蘿蔔食之其疾遂愈

五雲華蓋晚玲瓏天府由來汝腑中惆悵此情言不盡

一丸蘿蔔火吾宮

全唐詩十二函七首句作五靈華閣曉玲瓏腑作府癸辛雜識前集引

首句作五靈葉蓋晚玲瓏腑作府葡萄作蕋廣羣芳譜卷十六引首句作五靈樓閣曉玲瓏汝腑作是此此情

作悶

懷

案說郭本此歌之前又載一歌有踏陽春以下二十四字核其語意於本事無涉他書所引亦無之考全唐詩十二函八載周顯德中齊州謠與此正同今分別錄之又此條敘次訛謬甚多以廣羣芳譜所引參訂

郭象引諺

睽車志平江黃埭張虞部爲人質直每有興築不選日時嘗作一亭掘地得一肉塊俗謂太歲神張不爲異命瓦盆合而送之水中就基而創

名曰太歲亭又有客到命取衣冠俄而犬首頂
其冠束帶背以出張笑謂之曰養汝幾年今日
始解人意就取服之乃出揖客客退而犬自斃

諺云

云

殆謂是歟

見怪不怪其怪自敗

喬藍飛昇吟

夷堅志喬藍字子升相者謂有仙骨辭母之京
師七年而歸出丹一粒黃金數斤遺曰兒去不
歸矣吳子野遇於京師同登汴橋買瓜於水中

噉之時有瓜皮浮出至夜吳往候之則已酣寢
吳始知喬得道後游洛陽飛昇吟曰

下窺夫子不可及矯首相思空斷腸

長沙狀元謠

夷堅志王南强容潭州湘鄉人有術士游縣學
言聖像開口而笑其說頗傳於士林南强果魁
天下長沙古語嘗有

云之謠駝嘴者山也其

形似之在州北正直水口其下曰麻潭皆巨石
屹立淳熙七年辛幼安作守創始營作廣辟衢

陌許僧民得以石贖罪皆鑿於潭中所取不勝
計後帥黃林中又增益南街取石愈多迨丙午
之夏駝嘴中斷爲兩不一歲而南強應之

駝嘴斷狀元出

林劉舉夢中聞人唱

夷堅志福州長溪人林劉舉在國學淳熙四年
將赴解省禱於錢塘門外五聖行祠夢成大殿
見五人正坐著王者服贊科如禮聞殿上唱云
云
云 覺而不能曉是秋獲薦來春於姚穎榜登

科黃甲注德興尉既交印奠謁五顯廟知爲祖
祠始驗夢中之語

五飛雲翔坐吸湖光子今變化因遡吾鄉

時人爲柳氏兄弟語

清夜錄漢制卿駟馬右駢故有五馬東方朔傳
太守駟馬駕車一馬行春衛宏輿服志諸侯駟

馬副以一馬南史柳元策兄弟亦五人並爲太

守時人語曰

云

云

謝靈運爲永嘉太守以五馬

自隨立五馬亭

柳氏門庭五馬逶迤

王梅引吳語

祐山雜說余自幼不習詩會榜後謂同年王柘
湖梅曰倘公入翰林余不能詩奈何柘湖笑作

吳語

云

後柘湖選庶吉士入翰林有旨報罷

柘湖寄余詩云可憐不是飛仙骨既而復開館
柘湖仍與選余謂之曰君今作飛仙矣向謂

云

如今卻是短茶子柘湖身短衆爲絕倒

天埸自有長茶子

通俗編云按廣韻埸字从丹在二
十三談俗或从丹或从冉皆誤

成化初京師爲姚夔語

西樵野記舊制生員惟有廩膳增廣雖然廩膳

有額增廣無額成化初京師語曰

云

禮部姚

夔請奏故附學立焉

堅瓠集已集卷二舊制學校生員廩膳有額增廣無

額故名增廣明宣德四年增廣亦有額至景泰元年照舊無額成化三年又額京師語曰云云

夔請於朝因

立附學焉

和尚普度秀才拘數禮部姚夔顛覆國祚

按二句原本無今據堅

瓠集

補

傳凱夢孺子歌

西樵野記南安傳黃門凱使外國道經九仙祠
謁夢以驗使事夢孺子歌曰

云

凱不解所以

默識之比至館燕殊隆飲間夷王請曰黃河躍

浪

原注一作灌水

三三曲願天使對之凱念夢中語詞

意兼絕卽曰

云

夷王驚服蓋中國黃河九曲

而夷域有流沙三十六灣彼自謂知我華之勝

而吾乃悉彼疆界之詳用是悚警

青草流沙六六灣

古謠諺卷六十八終

古謠諺卷六十九

秀水杜文瀾輯

秦始皇造陵時民歌

博物志

地理攷

始皇陵在驪山之北高數十丈周

迴六七里今在陰盤縣界此陵雖高大

錢氏熙祚云此

原誤北依宋敏求長安志十五引關中記文改

不足以銷六十萬人積

年之功

錢氏云十原誤文又脫去下六字並依長安志補正

水背陵

錢氏云長

安志云水

鄣使東西流又此山無石

錢氏云無字依長安

志補又葉本此誤北

運取大石於渭北諸山

錢氏云諸原誤渚又脫山

字並依長安志補歌曰云今陵下餘石錢氏云今

正又葉本渭誤清原誤金又脫下字大如塢原注其銷功力錢氏

並依長安志補正本其皆如此類盧氏曰秦氏奢侈自知葬用珍

誤甚也高則難上固則難攻項羽爭衡之時發其陵

未詳至其棺否按提要云書中間有附注或

稱盧氏或稱周日用案文獻通考載周盧注博

物志十卷又盧氏注博物志六卷此所載寥寥

數條殆非完本或亦後人偶為摘附歟

運石甘泉口渭水為不流千人唱萬人鉤御覽卷五百五十九引潘

岳關中記唱上有一字鉤上有相字升菴

詩話卷一引三秦記為不作不敢鉤作謳

俗為劉元石語

博物志

雜說下

昔劉元石於中山酒家酤酒酒家

與千日酒飲之

錢氏熙祚云二字依御覽八百四十五補

忘言其節

度至家大醉

錢氏云原作當醉依御覽改

不醒數日

錢氏云四字依

廣記二百

而家人不知以為死也具棺殮葬之

錢氏云棺原誤權脫具葬二字並依廣記補正

酒家計千日滿乃憶元

石前來酤酒醉當醒矣

錢氏云原作醉向醒耳依廣記改

往視

之云元石亡來三年已葬於是開棺醉始醒

錢氏

云書鈔百四十八往元石家問之答曰石卒來三年服已闋矣乃與家人至冢掘而開之元石起於棺內御覽四

俗云

戲瑕卷一劉元石沽千日酒載博物志諸書可

考搜神記乃演出一段無稽之談以酒家主人
爲狄希以沽酒者爲姓元名石讀之眞可絕倒
其非干令升
筆斷無疑矣

元石飲酒一醉千日

任昉引南海俗諺

述異記

卷上

凡珠有龍珠龍所吐者蛇珠蛇所吐

者南海俗諺云

云

言蛇珠賤也

蛇珠千枚不及玫瑰

潛確類書卷一百十九及作如一

又引越人諺

又云越人諺云

種千畝木奴不如一龍珠

宣城郡民爲封使君語

述異記

卷上

漢宣城郡守封邵亘化爲虎食郡民

呼之曰封使君因去不復來故時語云

無作封使君生不治民死食民

虎苑卷下
死作反

始皇時童謠

述異記

卷下

始皇二十六年童謠云

阿房阿房亡始皇

袁紹在冀州時人語

述異記

卷下

袁紹在冀州時滿市黃金而無斗粟

餓者相食人爲之語曰

虎豹之口不如饑人

漢末江淮間童謠

述異記

卷下

漢末大饑江淮間童謠云

太岳如市人死如林持金易粟貴如黃金

稗海本如作於御覽卷

八百四十末句作粟貴如金

漢末洛中童謠

又云洛中童謠曰

雖有千黃金無如我斗粟斗粟自可飽千金何所直

任昉引漢世古諺

述異記

卷下

漢世古諺曰

雖有神藥不如少年雖有珠玉不如金錢

梧宮謠

述異記逸文

據廣博物志卷三十六

夫差作天池造青龍

舟日與西施爲水嬉又有別館在句容楸梧成

林謠云

梧宮秋吳王愁

案今本述異記無此文廣博物志此條未注出處下條係引述異記古詩源亦引述異記今據補

歷城土人爲光政寺磬語

酉陽雜俎

卷三

歷城縣光政寺有磬石形如半月

膩光若滴扣之聲及百里北齊時移於都內使人擊之其聲杳絕卻令歸本寺扣之聲如故土

人語曰

磬神聖戀光政

齊人爲妬婦津語

酉陽雜俎

卷十四

妬婦津相傳言晉大始中劉伯

玉妻段氏字光明性妬忌伯玉常於妻前誦洛神賦語其妻曰娶婦得如此吾無憾焉明光曰君何以水神善而欲輕我吾死何愁不爲水神其夜乃自沈而死後七日託夢語伯玉曰君本願神吾今得爲神也伯玉寤而覺之遂終身不復渡有婦人渡此津者皆壞衣枉糴然後敢濟不爾風波暴發醜婦雖糴飾而渡其神亦不妬也婦人渡河無風浪者以爲已醜不致水神怒

醜婦諱之無不皆自毀形容以塞嗤笑也故齊

人語曰

欲求好婦立在津口婦立水傍好醜自彰

魏明帝時宮人謠

西陽雜俎

卷十六

昆明國出嗽金鳥形如雀而色

黃羽毛柔密常翱翔海上羅者得之以爲至祥

魏明帝時國人獻此鳥餽以眞珠及龜腦常吐

金屑如粟鑄之可以爲器此鳥畏寒乃起小屋

處之用水晶爲戶牖使內外通明宮人爭以金

飾釵佩謂之辟寒金故宮人謠曰

按謠原本作相嘲弄今據

潛確類書卷

一百四改

不服辟寒金那得君王心不服辟寒鈿那得君王憐

秦中兒童戲爲顛當語

酉陽雜俎

卷十

成式書齋前雨後多顛當窠

原注

俗人深如蚓穴網絲其中土蓋與地平大如榆

莢常仰桿其蓋伺蠅蠖過輒翻蓋捕之纔入復

閉與地一色並無絲隙可尋也其形似蜘蛛

原注

如牆角亂

爾雅謂之王跌鬼谷子謂之跌母秦

網中者

古謠諺

卷六十九

曼陀羅華閣

中兒童戲曰

顛當顛當牢守門

金華子雜編云京師兒童以草臨此蟲穴呼之謂之釣駱駝須臾此蟲出

穴有明經劉寡辭曰此卽爾雅王蚨蜢也

蠚螭寇汝無處奔

廣博物志卷五十蠚螭作蠚螭

杜預引古諺

酉陽雜俎

續集卷四

今人云借書還書等爲二癡據

杜荊州書告貺云知汝頗欲念學今因還車致

副書可案錄受之當別置一室中勿復以借人

古諺云

資暇集卷下引王府新書載杜元凱遺其子書作古人云履齋示兒編卷二

十三作

俗語

有書借人爲嗤借人書送還爲嗤也

資暇集作借書一嗤還書二嗤履

齋示兒編作借與人書爲一癡還書與人爲一癡
資暇集云嗤笑也後人譌癡字而增至四癡謂借一癡借之二癡索三癡還四癡
泊宅編卷十前輩又以癡爲
瓶瓶酒器也蓋云借書一瓶酒還之亦以一瓶酒也
瓶通作鴟吳王取馬革受子胥屍沈之江顏師古曰卽今之盛酒鴟夷觔
游宦紀聞卷四禮部韻云瓶盛酒器也山谷以詩借書目於胡朝請末聯云願公借我藏書
日時送一鴟開鑠魚坡公和陶詩云不持兩鴟酒肯借一車書
楊子雲酒箴鴟夷滑稽腹大如壺蘇黃用鴟字本此

斛律豐樂爲齊高祖歌

西陽雜俎

續集卷四

談藪云北齊高祖常宴羣臣酒

酣各令歌武衛斛律豐樂歌曰

云

帝曰豐樂

不諂是好人也

朝亦飲酒醉暮亦飲酒醉日日飲酒醉國計無取次

案隋書刑法志引長孫覽求爲周宣帝歌與此語意略同而時代迥異今兩存之

金榆山土人言

酉陽雜俎

續集卷八

晉僧朗往金榆山及卒所乘驢

上山失之時有人見者乃金驢矣樵者往往聽

其鳴響土人言

金驢一鳴天下太平

段成式引俗語

酉陽雜俎

續集卷十

王母桃洛陽華林園內有之十

月始熟形如括囊俗語曰

云

亦名西王母桃

王母甘桃食之解勞

路勵行親識引諺

啟顏錄逸文

據廣記卷二百五十

唐路勵行初任大理丞

親識並相賀坐定一人云兄旣在要職親皆爲

樂諺云

云

豈非好事答云非直唯遣緩帶並

須將卻幘頭衆皆大笑

一人在朝百人緩帶

野客叢書卷廿七在作左緩作一山谷全書卷十九與洪甥駒父

書云古人所謂一人乘車三人緩帶

按說郛卷二十三列啟顏錄未載此條今據廣記錄之

嶺南冬令俗語

羣居解頤嶺南地暖草萊經冬不衰故蔬圃之中栽種茄子者宿根二三年者漸長枝幹乃成大樹每夏秋熟時梯樹摘之三年後樹老子稀卽伐去別栽嫩者又其俗入冬好食餛飩往往

稍暄食須用扇至十月旦率以扇一柄相遺書
中以吃餛飩爲題故俗云

踏梯摘茄子把扇吃餛飩

東漢國民唱

清異錄

卷一

周季年東漢國大雪盛唱曰

云

後

大宋受命

生怕赤真人都來一夜春

汾晉村野間語

清異錄

卷一

汾晉村野間語曰

云

意謂多稼厚

畜由耕耘所致

欲作千箱主問取黃金母

宋城民爲祝天貺和甄語

清異錄

卷一

宋城主簿祝天貺勵已如冰玉百姓

呼爲裏頭冰天貺去後和甄來尉頗得天貺餘

味加以儒而文民間語曰

去了裏頭冰卻得一段着腳琉璃

長沙賣藥道人吟

清異錄

卷三

長沙獄掾任福祖擁騶吏出行有賣

藥道人行吟曰

云

福祖審思豈非異人急遣

訪求已出城矣

無字歌呵呵亦呵呵哀哀亦呵呵不似荷葉參軍子人
人與箇拜口木大作廳上假閻羅

衫帶諺

清異錄

卷三

諺曰

云

闌單破裂狀疊垛補衲蓋

掩之多

闌單帶疊垛衫肥人也覺瘦巖巖

寶厯中宮人語

古謠諺

卷六十九

曼陀羅華閣

清異錄

卷四

寶厯中帝造紙箭竹皮弓紙間密貯

龍麝末香每宮嬪羣聚帝躬射之中者濃香觸體了無痛楚宮中名風流箭爲之語曰

風流箭中的人人願

厨官爲魏王盧相兩家飲饌語

清異錄

卷四

魏王繼岌每薦羹以羊兔猪麋而參

之時盧澄爲平章事趨朝待漏堂厨具小饌澄惟進粥其品曰粟粥乳粥豆沙加糖粥三種并供澄各取少許并和而食厨官遂有

云

之語

王龔亥卯未相粥白元黃

古謠諺卷六十九終

古謠諺卷七十

秀水杜文瀾輯

時人爲三耳秀才語

張君房胙說方陰官以事懇上元夫人而不允
聞陽世有士人董慎善爲文遂追令爲表旣而
獲命陰官喜曰子何願曰特更欲聰明耳乃命
取一耳置其額旣寤額癢輒搔出一耳時人語
曰廣記卷二百九十六引元怪錄隋大業中兗州佐史董慎性公直明法理常因授衣歸家出州門逢一黃衣使者曰太山君呼君爲錄事出懷中牒示慎到任趨入府君邀登副階取榻

令坐曰藉君公正故有是請今有閬州司馬令狐實等六人實無間獄承天曹符以實是太元夫人三等親准令遞減三等昨罪人程翥一百二十人引例喧訟不可止遏已具名申天曹天曹以爲罰疑唯輕亦令量減二等餘恐後人引例多矣君謂宜如何慎曰天地刑法豈宜恩貸奸慝然慎一胥吏耳素無文字當州府秀才張審通辭彩雋拔足得備君管記府君令帖召之至卽補左曹錄事審通判請依前付無間獄仍錄狀申天曹卽有黃衫人持狀而往少頃復持天符曰所申文狀多起異端府君可罰不衣紫六十甲子餘依前處分府君大怒審通曰君爲判辭使我受譴卽命左右取方寸肉實其一耳遂無所聞審通訴曰乞更爲判申不允甘當再罰府君曰君爲我去罪卽更與君一耳審通又判請依法仍錄狀申天曹黃衣人又持往須臾又有天符來曰再省所申甚爲允當府君可加六天副正使令狐實程翥等並正法置處府

君卽謂審通曰非君不可正此獄因命左右割下耳中肉令小兒摩之爲耳安於審通額上曰塞君一耳與君三耳何如又謂慎曰甚賴君薦賢以成我美然不可久留卽送歸家審通數日額覺痒遂湧出一耳通前三耳而湧出者尤聰時人笑曰云云亦呼爲雞冠秀才者

天上有九頭鳥地下有三耳秀才

元怪錄無上字下字

穀城民爲王豐歌

賈氏說林王豐爲穀城令治民有法民多暴富

歌之曰

天厚穀城生王公爲宰三月恩澤通室如懸磬今擊鐘
時人爲立夏日食李諺

元池說林立夏日俗尙啖李時人語曰云故

是日婦人作李會取李汁和酒飲之謂之駐色

酒一曰是日啖李令不疰夏

立夏得食李能令顏色美

鵝毛鄙語

復齋漫錄云鄙語也

千里寄鵝毛禮輕人意重

西施鄙語

復齋漫錄云鄙語也山谷取以爲詩其荅益

公春思云草茅多奇士蓬華有秀色西施逐人
眼稱心斯爲得

情人眼裏有西施

都下爲韓侂冑語

曾氏因話錄韓侂冑封平原郡王官至太師一
時獻佞過稱師王晚年伏誅錢伯通在政府奉
御筆施行都下爲之語曰云象祖乃伯通名
也繆妄稱呼至是遂作精對可發後世一笑

釋迦佛中間坐胡漢神立兩旁文殊普賢自鬪象祖打

殺師王

海上人爲女香草諺

奚囊橘柚女香草出繁續婦女佩之則香聞數
里男子佩之則臭昔海上有丈夫拾得此香嫌
其臭棄之有女子拾去其人跡之香甚欲奪之
女子疾走其人逐之不及乃止故諺曰

云呂

氏春秋云海上有逐臭之夫疑卽此事

欲知女子強轉臭得成香

漢人爲黃公語二則

奚囊橘柚漢高帝時有黃公不事生產日牽一
黃斑虎乞食於道飲食稍不腆輒解其縛虎便
咆哮作噬人狀人人震懾多畀錢米始謝去人
有語曰云人入山遇猛虎輒畏之曰黃公來
猛獸無不垂頭掉尾而去人又語曰云
虎莫凶有黃公

猛獸回黃公來

馮猶龍引俗語

譚槩田登作郡怒人觸其名犯者必笞舉州皆

謂燈爲火值上元放燈吏揭榜於市曰本州依

例放火三日俗語

云本此

只許州官放火不許百姓點燈

袁節推引俗語

譚槃袁節推酒令引俗語云

官無悔筆罪不重科

錢兼山引諺語

譚槃錢兼山等酒令舉諺語云

人無千日好花無百日紅

鳳宣二州諺

太平老人袖中錦諺云

鳳州三出手柳酒宣州四出漆栗筆蜜

李東陽引諺戲焦芳

堅瓠集

乙集卷一

河南焦芳過李西涯邸見簷曝乾

魚戲曰曉日斜穿學士頭西涯曰秋風正灌先

生耳以諺

野獲編卷二有云

云

也

野獲編云新鄭與江陵初

年相契如兄弟偶聯鑣出朝而朝噉初上高戲
出一儷語云曉日斜薰學士頭張應聲曰秋風
已貫先生耳兩人拊掌幾墜馬蓋楚人例稱
乾魚頭中州人例稱偷驢賊俗語有云云也

秋風灌驢耳

野獲編灌作貫

吳人爲陸完號

堅瓠集

丙集卷二

吳人悼冢宰陸全卿

完

坐宸濠黨

又傳全卿受賄復宸濠護衛濠敗吳人口號曰

五錢九分六錢輕

原注陸全卿

做到天官弗肯行受子宸濠

三千兩合家老少上京城

吳人爲張小舍諺

堅瓠集

丁集卷一

張小舍居維亭世爲公家弭盜故

吳諺有

云

之語按張小舍名浩字彥廣號南

坡沈石田之外祖徐武功有貞撰張處士墓誌

石田乞之也

天弗怕地弗怕只怕維亭張小舍

嘉靖時民間謠

堅瓠集戊集卷一嘉靖間王聯爲縣令簞簞不飾爲

部民所訟時巡撫胡纘宗發兵備朱鴻漸鞫問

廉得其實聯斃於獄時世廟幸楚纘宗賦詩有

穆王八駿空飛電湘女娥英淚不磨之句聯子

仕痛父死獄摘此爲譏切朝政因賀長至混入

午門訐奏之差錦衣校尉行提鴻漸已致政歸

蘇四校尉駐坐行臺氣焰可畏民間謠云

云云

朱苦瓜卽朱紈時以閩憲遭讒得請歸闕校尉
有捉拿朱姓之說疑其逮已仰藥自殺當二府
名時平冷二府名珂不知聖旨云何且校尉烜
赫故皆惴惴人遂因其姓以成嘲嘆耳科道交
章申救仕雖坐誣而續宗杖三十削籍

曾見不曾見校尉坐察院嚇殺朱苦瓜拿了朱鴻漸常
同知蹲做一堆冷同知嚇出熱汗

時人爲倪進賢及某中書語

堅瓠集

戊集卷二

御史職司風紀中書舍人供奉絲

綸其任皆不薄也成化戊戌徽州倪進賢出入
閣老萬安之門得庶吉士安病陰痿進賢自譽
善醫具藥瀋爲洗之因改御史翼聖夫人之姪
季通以門蔭官中舍濟甯某與通同僚友善嘗
歸省以篋寄通所封鑰甚固夫人素諳世故命
啟視之同僚固辭夫人不許乃強啟之篋中舊
衣數件下皆土壑夫人大怒曰他日欲誣我家

耶命毆之通跪請得免乃命自擔其篋去時人

爲之語曰

云

云其辱敗士風同官爲之喪氣

洗烏御史挑土中書

景龍中人爲宰相歌

堅瓠集

戊集卷二

唐景龍中洛下霖雨百餘日宰相

令閉坊市北門以弭之卒無效霧沱益甚人歌

曰

禮賢不解開東閣燮理惟能閉北門

開沙湖民謠

堅瓠集

戊集卷三

婁門東北三十里沙湖湖北爲塘

隆然有碑碑廣四尺許長四倍四面如之三面

鐫相視歌歌有前後皆築塘時相勸勞之語也

今已剝落不可辯其東面記民謠曰

云

宏治

丁巳督理山西水利工部主事姚文灝立石

遠挑新土纔希罕露蓋黃泥始罷休兩岸馬槽斜見底
中間水線直通頭

京師爲黃志端語

堅瓠集

已集卷四

舊例翰林院學士惟一人多或二

人或三五人宏治壬戌劉文靖健欲示德因修會典成一時陞學士者十人又禮部尙書一時有六人謝遷以禮書居內閣張昇爲禮部掌印事元守直以禮書掌通政事賈斌以禮書掌鴻臚事崔志端以禮書掌太常事并南京禮書王宗彝六人崔起神樂觀道士京師語曰云志端疑此語出自翰林乃對曰翰林十學士五箇白丁蓋倪進賢等五人成化戊戌萬安以私意選爲庶吉士在翰林未嘗讀書館課詩文一出

人手以故人其強之

禮部六尚書一員黃老

宋時爲秀才語

堅瓠集

庚集卷一

宋初尚文選士子專意此書至爲

之語曰文選爛秀才半

按此條已見老學菴筆記

見陸務觀

老學菴筆記又云

云

謂脫白着綠也

文選熟秀才綠

辛集卷三黃炳辭武舉啟曰舉子忙槐花黃早已覺壯心之動時文熟秀才綠

要須取本色而歸

萬厯間殿試語

古謠諺

卷七十

曼陀羅華閣

堅瓠集

庚集卷三

萬厯丁丑張太岳子嗣修榜眼及

第庚辰懋修復登鼎元有無名子揭詩於朝門
曰狀元榜眼姓俱張未必文星照楚邦若是相
公堅不去六郎還作探花郎後俱削籍故又語
曰

丁丑無眼庚辰無頭

戴表元引諺

堅瓠集

庚集卷三

孔退之幼在金陵郡庠從戴表元

游表元因暇每以俗諺作題令諸生破如經義

法一日命破樓字退之曰因地之不足取天之

有餘表元大喜又命以諺云

云

破曰小人無

知不肯竭力以事君子君子有義不能求食以

養小人

甯可死莫與秀才擔擔子肚裏饑打火又無米

何仲默引鄉諺

堅瓠集

庚集卷三

何仲默

景明

少能文善於破冒見

者疑之因出其鄉諺爲題曰

云

破曰姓雖異

而業則同心無窮而分有限

張豆腐李豆腐一夜思量千百計明朝依舊賣豆腐

時人爲章氏牌坊謠

堅瓠集

辛集卷一

予家西白塔巷祖居東首有大光

祿牌坊乃嘉靖間蘇州知府溫景葵爲房師章

茂實

煥

所建東曰大中丞西曰大光祿欲於中

間起第不意建坊甫竟茂實以事被逮遣戍時

有口號曰

云

問軍之謠已驗康熙己未十月

晦日子家人不戒於火焚燬門屋及坊合里震驚幸而獲息燒光之言至百有二十餘年始驗

大中丞完子就問軍大光祿燒得光禿禿

蘇郡童爲姚堂謠

堅瓠集

辛集卷四

慈谿姚仲升

堂

守蘇郡被讒調鎮

江代之者爲黃巖林一鶚

鶚

徐武功送姚解任

詩袖歸白壁原無玷移去寒梅不改香童謠亦

有

云

云之句

雙木撐篙不如一姚

吳中爲周如斗謠

堅瓠集

王集卷一

嘉靖甲寅倭寇浙直農民大半竄

去比其還踰夏矣歲大饑中丞周右崖直指周

觀所

如斗

交章奏請盡蠲百姓租稅詔從之是

歲民糧先輸者悉以還民曠蕩之恩百世未有

吳中謠曰

云

云謂周公如斗也按此可爲上官

處兵荒善後之法

蘇州一隻斗救了萬民口

要離墓童謠

堅瓠集

王集卷一

要離墓在吳縣西四里閶門南城

內吳地記云在泰伯廟南三百五十步府志云

相傳在今梵門橋西城下先時有童謠云

云云

萬厯間有高兵備名出見古蹟不可無以表之
遂立一碑古要離墓後書東海高出題南濠一
帶皆望見此碑且姓名巧合而流賊漸起亦異
哉

要離高出城天下動刀兵

吳縣民間謠

堅瓠集

王集卷二

萬厯乙未三月廿九日雷震閭門

譙樓西南螭首劈碎柱石適是日吳邑侯袁中

郎宏道

上任先是民間謠曰

云

豈郎官上應

列宿天戒以示警與然在任二年寄情詩酒吳
中名勝題詠殆遍改任順天府學教授陞吏部
郎中

吳縣知縣到霹靂震得暴分付開閭門家家有響報

時人爲景泰五年殿試語

堅瓠集

癸集卷二

景泰五年甲戌科狀元河南孫賢

面黑榜眼宜興徐溥面白探花武進徐鎔面黃

時謂

云

云云

鐵狀元銀榜眼金探花

甘學潤督學崑山時謠

堅瓠集

癸集卷二

崇禎壬申四月甘學潤按臨崑邑

待士嚴毅時謠曰

秀才街上躑躅着甘提學老個告衣巾小個重上學

時人爲土地夫人語

堅瓠集

癸集卷三

正德中顧東橋

璘

知台州府有土

地祠設夫人像顧曰土地豈有夫人命徹去之
郡人告曰府前廟神缺夫人請移土地夫人配

之顧令卜於神神許遂移夫人像入廟時爲語

曰土地夫人嫁廟神廟神懽喜土地嘖

按此條已見駒

陰冗

明年郡人復曰夫人入配一年當有子復

卜於神神又許之遂設太子像時人語曰

云云

顧旣設夫人像又聽其入配塑子益見民之易

惑而神不足信也

暮年入配今生子明歲更教令愛生

黃州人爲盧濬曹濂謠

堅瓠集

廣集卷二

成宏間黃州知府盧濬字希哲守

已愛民得罪上司去職曹濂繼之貪暴自恣兩

經考察皆得幹全時有

云

之謠

盧濬不來天沒眼曹濂重到地無皮

明季復社口號

堅瓠集

廣集卷二

明季復社濫觴方巾甚高人口號

曰

云

天如張溥號

頭頂一箇書櫺手帶一串念珠擡擺一部四書口內只說天如

松江閣老謠

古謠諺

卷七十

曼陀羅華閣

堅瓠集

餘集卷一

松江雖潮汐往來之地自古未有

通泖者嘉靖庚戌泖始潮故民謠曰

云

越王

子徐文貞

階

果入相而拜命之日潮頭突至城

內元輔舊第前湧起丈餘人皆驚異果爲太平

宰相一十七年

潮通泖出閣老

吳人爲王穉登趙宦光語

堅瓠集

餘集卷二

吳語云

云

相傳百穀家居申少

師子告歸里車騎闐門賓客牆進兩家巷陌各

不相同凡夫卜築寒山搜剔泉石又得卿子爲
妻靈均爲子貴游麇至幾同朝市兩君可稱處
士之特矣然題之曰歇家曰驛吏豈非春秋之
筆乎

天下歇家王百穀山中驛吏趙凡夫

翟灝引漢諺

通俗編

卷二
十三
漢諺

廷尉獄平如砥有錢生無錢死

古謠諺卷七十終